

nuatio non invalidat totam donationem, sed tantum quoad excessum supra quingentos solidos, quia in iis, quae dividi possunt, « Utile non debet per inutile vitiari, » ut habet præcise Regul. 37, juris in 6, et l. *Si sponsus* § 2, de donat. inter vir. et uxor. (30. Solidus autem in Jure pro aureo accipitur, ut constat ex l. fin. junct. Glossa verb. *Aureos*, ff. de in jus vocando, et nota Glos-  
sa 1, in cap. *Placuit* 1. caus. 10, quæst. 3, et antiquitus septuaginta duo solidi unam libram auri constituebant, ut patet ex l. *Quotiescumque* 5, Cod. de susceptoribus l. 10, et ibidem notant Glossa, Bartol. Anchiaranus et alii. Unde quingenti solidi circiter 700, aureos italicos, seu scuta, vel secundum alias 800, conficiebant; Julius Clarus l. 4, § *Donatio* q. 14, n. 1, Layman lib. 3, de justitia traci. 4, cap. 12, n. 15, Rebell. part. 1, l. 28, qu. 6, num. 3, Everard. tit. 1, consil. 19, n. 32. Pirhing l. 3, decretal. tit. 24, num. 5, Reiffenstuel ib. num. 15. Hodie vero secundum generalem, et passim receptam consuetudinem per solidum intelligitur aureus Hungaricus, seu apud nos Ducatus, qui veteri illi solidi, seu aureo suffictus est, ita ut que de solidi in Jure Civili statuta sunt, ad nostratem aureum, seu Duca-  
tum referenda sint; Mysinger. in § *Aliæ autem* 2. Instit. de Donationibus, Schmid: ibid. 24. Pirhing. loc. cit. n. 5. Reiffenstuel. loc. cit. n. 15, et alii.

(31. Dantur tamen plures donationes, quæ licet excedant quingentos solidos, valent absque insinuatione. Primo, valet absque insinuatione donatio facta alicui pro reparatione ædium suarum, que ruina, vel incendio consumptæ sunt; l. penult. § *eamdemque*, Cod. de donat. vel pro redemptione captivorum; cit. l. penult. in princip. (32. Secundo, valet absque insinuatione in utroque foro, conscientiæ scilicet, et externo, *Donatio* facta in quacumque quantitate Ecclesiæ, Monasterio, vel alteri pio loco, vel ad quamlibet causam piam; Julius Clarus lib. 4, § *Donatio* quæst. 77, num. 1. Pirhing loco cit. num. 6. Reiffenstuel loc. cit. num. 16, cum communiori Canonistarum, et Theolog. arg. cap. 19, Matth. ibi: « Vade, vende omnia quæ habes, et da pauperibus. » Nec obstat, quod in l. *Illud* 19, Cod. de SS. Ecclesiis, et in l. *Sancimus* 24. § *Aliæ vero*, Cod. de Donationibus, irritemur donationes factæ ad pias causas ultra quingentos solidos; nam ultra quam quod dictæ leges civiles videntur sublate, et correctæ ab ipsomet Jure Civili; cit. l. 34, de Donat. ibi: « Exceptis donationibus, quæ in causas piiissimas procedunt; » et l. 36, Cod. eod. Causæ piæ non subjacent dispositioni Juris civilis; arg. cap. *Ecclesia S. Mariae* 10, de constitutionib. ibi: « Nos attendentes, quod Laicis etiam Religiosis super Ecclesiis, et personis Ecclesiasticis nulla sit attributa facultas, quos obsequendi manet necessitas, non auctoritas imperandi, a quibus si quid motu proprio statutum fuerit, quod Ecclesiarum etiam respiciat commodum, et favorem, nullius firmitatis existit, nisi ab Ecclesia fuerit ap-

probatum; » sed ipsæ cause piæ debent judicari secundum Sacros Canones, textu expresso in c. *Relatum* 11, de testamentis, ibi: « Relatum est, quod cum vestrum examen super relictis Ecclesiæ deducitur, vos nisi septem, vel quinque idonei testes inter-  
venerint, inde postponitis judicare, » et infra: « Mandamus quatenus, cum aliqua causa talis ad vestrum fuerit examen deducta, eam non secundum leges, sed secundum decre-  
torum statuta tractetis, tribus, aut duobus legitimis testibus requisitis, quoniam scriptum est: In ore duorum, vel trium testium stat omne verbum. »

(33. Tertio, valet absque insinuatione donatio remuneratoria beneficiorum, vel obsequiorum, quia non est vera donatio, ut colligitur ex l. *Aquilinus* 27, juncta Glossa verb. *Non meram*, et l. penult. § *Si quis*, ff. de donationib. (34. Attendum tamen est, ne donatio remuneratoria excedat nimis merita donatarii, quia quoad illum excessum esset insinuanda, cum quoad tales excessum non esset remuneratoria, sed mere liberalis, quæ debet insinuari l. *Sancimus* 34, l. penult. In fin. Cod. de donat., et cit. § *Aliæ autem* 2. Instit. eod. Et sic tenet Clarus loc. cit. quæst 3, n. 3 et 4. Pirhing. loc. cit. n. 6. Azorius part. 3, lib. 9, de donat. cap. 6, quæst. 4, et communis aliorum. (35. Et generaliter loquendo omnis donatio, quæ fit ob aliquam causam, v. g. ad militiam, ad studia, ad nuptias, et hujusmodi, non indiget insinuatione; l. *Hoc jure* 19. § *Labeo*, et § *sed et hæc* ff. de donat. et ratio est, quia talis donatio propter similes causas facta, non est propria, et perfecta donatio; nam propria, et perfecta donatio fit ob meram liberalitatem cit. l. 2, de donationib. et cum lex requirens insinuationem sit odiosa, quippe restraining liberam facultatem donandi, non est extendenda et amplianda ultra donationem propriam, et perfectam arg. Regul. 15, Juris in 6, ibi: « Odia restringi, et favores convenit ampliari. » Julius Clarus loc. cit. q. 19. Pirhing. l. c. n. 6. Reiffenstuel. loc. cit. n. 19, et alii passim.

(36. Quarto, valet absque insinuatione donatio rerum mobilium quingentos solidos excedens, quam belli dux facit militibus tam ex suis bonis, quam ex spoliis hostium; sive in ipsa belli occupatione, sive in quibuscumque aliis locis, et temporibus; l. *Si quis* 36, § 1, Cod. de donationib. (37. Quinto valet absque insinuatione donatio, quam Princeps supremus facit privato; l. *Sancimus* 34, de donationib. Aut privatus facit Principi Supremo; Authentic. immediat. sequent. Leg. 34, Cod. de donationib.

(38. Si sit facta aliqua donatio ultra taxatos a Lege quingentos solidos, potest donatarius tuta conscientia etiam excessum retinere; donec a donante, vel ejus hærede repetatur, vel per Judicis sententiam rescindatur donatio, quo ad illum excessum supra taxatos quingentos solidos; non enim reddit donatarium inhabilem ad retinendum, sed tri-  
buunt donatori potestatem pro arbitrio illam excedentem summam repetendi; unde do-

narius tuta conscientia retinere potest ex-  
cessum illum, donec repetatur, scienti enim  
et volenti non sit injuria; Molina tract. 2.  
disp. 378, num. ult. Lessius lib. 2, cap. 18,  
num. 89. Layman loc. cit. c. 12, num. 15.  
Pirhing. loco cit. num. 7, et alii.

(39. Donatio hunc parit effectum, quod li-  
cit sit solum donatio verbalis, quæ absque  
actuali traditione rei donatae fit, obligat do-  
natorem ad tradendam rem donatam, si Do-  
natio a donatario fuit acceptata, textu ex-  
presso in § *Aliæ vero* 2. Instit. de donationib. ibi: « *Donationes etc., etiamsi (res dona-  
tae) non tradantur, habent plenissimum, et  
perfectum robur, et traditionis necessitas in-  
cumbit donatori. » (40. Immo in casu, quod  
donator nolit reddere rem donatam, concedit  
donatario actio contra ipsum ad tradendam  
rem verbaliter donatam; l. *Si quis argentum*  
33. Cod. de donat. (41. Donator tamen, si ac-  
tione conveniatur ad tradendam rem dona-  
tam casu quo solvendo totum promissum,  
seu verbaliter donatum, nequeat alios cre-  
ditores amplius solvere, vel se honeste sus-  
tentare amplius non possit, debet prius de-  
bita aliis creditoribus, et potest necessaria  
propriæ sustentationi deducere, textu ex-  
presso in l. *Qui ex donatione* 12, ff. de do-  
nationibus ibi: « Qui ex donatione se obli-  
gavit, in quantum facere potest, convenitur;  
sed enim id, quod creditoribus debetur, erit  
detrahendum; » concordat l. *Qui id.* 33. ff.  
eod. ibi: « Actione non solidum sed quan-  
tum facere potest convenitur. » (42. Si au-  
tem donator sit in mora tradendi rem dona-  
tam, non tenetur fructus ex re donata inter-  
ea praeciptos donatario restituere, textu ex-  
presso in l. in ædibus 9, § 1, ff. de donat.  
ibi: « Ex rebus donatis fructus percepti in ra-  
tionem donationis non computantur. » (43.  
Neque tenetur ob dilatam traditionem usu-  
ras solvere, ut expresse cæetur l. *Eum qui*  
22. ff. eodem, ibi: « Eum qui donationis  
causa pecuniam, vel quid alius promisit,  
de mora solutionis pecuniae usuras non de-  
bere, summæ æquitatis est: » Aliter donatori  
sua liberalitas nimis esset damosa. Tum  
quia res domino suo fructificant; ante tra-  
ditionem autem, donatarius nondum est do-  
minus rei donatæ, cum dominia rerum trans-  
ferantur, non nudis pactis, sed traditionibus;  
l. *Traditionibus* 20. Cod. de Donationibus.*

## ADDITIONES EX ALIENA MANU.

(44. Donatio ex quibus potius causa mortis quam in fer vivos dicenda sit, tum an so-  
lemnitates a Statuto inductæ quoad donationes  
requirantur in donatione causa mortis  
ad ejus validitatem, plenissime discutit Rota  
in Nullius Civitellæ Immissionis 17. Junii  
1748. Cor. R. P. D. Elephantut.

## ARTICULUS II.

*Donatio quoad personas, quæ donare possunt  
vel non, et in qua quantitate.*

(1. Donare potest omnis ratione utens,

(1) Hic Auctor noster agens de Papillis, ac Mi-  
noribus donationibus profusis aliquid momenti alie-

lege non prohibit, habens plenum domi-  
nium, seu liberam administrationem rei suæ;  
quisquis enim rei suæ moderator, atque ar-  
bitrus existit, ut dicitur in l. *In re mandata*,  
eod. *Mandati*. (2. Donare autem non potest  
pupillus, minor, furiosus, amens, prodigus  
etc. quia per vulgaria Juris, et per commu-  
nem Doctorum, omnes, qui administratione  
bonorum suorum sunt privati, uti sunt su-  
pradieti, etiam alienare et donare sine auc-  
toritate Tutoris, vel Curatoris prohibentur.  
(3. Tutores, et Curatores non possunt do-  
nare aliquid de bonis, quæ administrant,  
textu expresso in l. *Contra juris* 38, § fin. de  
pactis, ibi: « Julianus placet, etiamsi maxi-  
mam quis administrationem peculii habeat  
concessam, donandi jus eum non habere; »  
et concordat l. *Lucius* 46, § fin. ff. de ad-  
ministrat. tutor. (4. Possunt tamen Tutores,  
et Curatores ad proportionem conditionis,  
et facultatem sui Principalis facere propor-  
tionatas donationes remuneratorias pro me-  
ritis, et servitiis suo Principalis collatis; sic-  
uti possunt facere illas donationes, et ele-  
emosynas, quæ pro more, et consuetudine  
fieri solent ab aliis paris conditionis sui  
Principalis; l. *Cum plures* 12, § 3. ff. de ad-  
minist. tutor. ac l. 13. ff. eod. et est com-  
munis Doctorum sententia.

(5. Uxor potest libere donare, atque ele-  
emosynas facere de bonis suis paraphernali-  
bus et de iis bonis, quæ extra bona commu-  
nia dotalia aliunde acquirit, ut ex donatione,  
legato etc. ex opera, vel arte ad familiæ gu-  
bernationem non necessaria, nec nociva. Sic  
communis; reliqua vid. verb. *Bona* art. 4.  
ubi late de donationibus, et eleemosynis,  
quas uxor facere potest vel non. (6. Filiusfa-  
milia donare potest etiam invito patre de suis  
bonis castrensis, vel quasi castrensis;  
ipsa enim pertinent ad liberum ipsius domi-  
nium, et administrationem; l. *Si filiusfa-  
milia*, ff. de peculio castrensi, et est com-  
munis; reliqua vid. verb. *Bona* art. 4. (7. Pu-  
pillus et Minoris, si pubes sit, etiam invito  
Tutore, vel Curatore, potest facere donationes,  
eleemosynas, vel alios sumptus mode-  
ratos pro sua conditione, et facultate, prout  
aliis paris conditionis passim permitti solet;  
id enim exigit decentia status sui. *Est com-  
munis* cum Molina tom. 2, disp. 277. (8. Si  
autem talis pupillus, et minoris profuse,  
et excessive donet, vel expendat, peccat,  
quia agit contra præscriptum ejus, cui tene-  
tur obedire: Illi tamen, quibus talis donatio  
facta est, non tenentur ad restitutionem, do-  
nec donatum a Tutore, vel Curatore repeta-  
tur vel ipse donator petat restitutionem in  
integrum. Molina tom. 2, dis. 224, 261 et 277,  
Lessius lib. 2, cap. 18, dub. 11, n. 81. Spo-  
rer loc. cit. n. 29, et alii passim (1).

nantibus nullo tutoris, aut curatoris accidente con-  
sensu, cum doceat res hujusmodi hac ratione a Pur-

(9). Pater si donet aliquid filio nondum emancipato, ejus donatio est invalida; et pro arbitrio patris potest revocari; leg. *Cum de bonis* 11. *Cum de donationib.* et leg. 2. Cod. de ineffic. donat. Et ratio est, quia ut dicunt communiter Doctores, omne quod filius a patre acquirit, ad bona filii profectitia spectat, quorum bonorum quia pater est Dominus, non tam filio, quam sibi donare censetur; filius enim quandiu est sub potestate patris, reputatur veluti una persona civilis cum patre. (10). Talis autem donatio evadit statim valida post mortem patris, quia tunc filius desinit esse sub potestate patris. Et sic etiam post emancipationem filii, res prius donata statim transit ad filium donatarium, si usque ad emancipationem pater non revocavit donationem, l. *Donationes* 31, § 2, ff. de donat. et l. *Sive emancipatis* 77, Cod. eod.

(11). Dantur tamen aliqui casus, in quibus donatio patris facta filio nondum emancipato statim valet. Primo, cum pater donat aliquid filio ratione studiorum, vel opificii addiscendi; l. 15. Cod. de neg. gest. Secundo, cum pater donat aliquid filio remuneratio gratia; l. *Cum pater* 77. § 25. ff. de Legat. Tertio, cum pater donat aliquid filio in dotem, vel ad matrimonium; Quarto, cum pater donat bona mobilia filio ex causa militiae, ad gradum vel honorem adipiscendum, quia ita donatum efficitur bonum castrense, vel quasi castrense, in quo filius liberam habet dispositionem; ex leg. 2. *Castrense*, ff. de peculio castrensi. Quinto, cum pater condonat filio usumfructum, quem habet in ejus bonis adventitiis. Sexto, in omnibus pene casibus, in quibus inter conjuges valet statim, valet etiam donatio patris facta filio; *Navarr.* c. 17. n. 147. *Silvester* verb.

pillis donatas posse et accipi, ac retinere; donec vel a tutoribus repeatantur, vel ab ipsis donatoribus expleta minori aetate beneficio restitutionis in integrum revindicentur: sequitur, ut patet, sententiam illorum Theologorum, ac Juris Consultorum, qui docent, ac tenuerunt in hujusmodi contractibus initis a Pupilli, vel Minore non accedente Tutoris consensu, licet nulla ab ipsis civilis obligatio contrahatur lege sic decernente, Institut. tit. Quibus alienare licet, § Admonendi leg. *Pupillus* 5. § 1. leg. *Obligari* 9. ff. De Auctorit. et Consens. Tutorum etc. Eleg. Si Curatorem 5. Cod. De integrum Restitut. Minor. etc. attamen naturaliter obligatos manere. Pro hac etiam sententia acriter praeceteris preterea decernat Docissimus Sanchez Lib. 6. De Donation. inter conjuges Disp. 38. n. 19. et seqq. *Lessius* Lib. 2. cap. 17. De Contractibus etc. *Dubit.* 8. num. 61. *Paulus Layman* Lib. 5. *Tract.* 4. Cap. 9. n. 7 et seqq. At isthae sententia licet non leve probabilitatis pondus pra se ferat, et magnos, nec paucos nacta sit patrones, validissimi tamen oppugnatur argumentis et Theologorum auctoritatibus, ut ex eodem Sanchez colligere facile quis poterit.

Probabilior itaque nobis videtur sententia opposita iuxta quam edocemur ex nullo contractu Pupilli, vel Minoris ullam obligationem nasci, ne naturalem quidem, quare qui cum iisdem contractus iniverint, iisque rem acceptint, ante omnem sententiam rem acceptam restituere coguntur. Insuper isthae posterior sententia videtur juri conformior; Jure enim per hujusmodi dationes a Pupillis vel Minoribus fa-

*Donatio* 2. quæst. 7. *Lessius* loc. cit. num. 91. et alii.

(12). Mater valide donat filiis tam emancipatis, quam nondum emancipatis, quia in matre cessat ratio prohibens donationem in filium, cum mater non habeat filios in sua potestate; § *Faminæ* 10, Institut. de adopt. Tum quia matri non est prohibitum donare filiis, arg. 1. *Sed si ego* 4. § 1. ff. ad S. C. Vellejan. quia ut ibidem adducitur ratio, mater non tam faciliter donat, vel certe ordinario defectu administrationis multum donare non potest.

(13). Conjugus nequit alteri conjugi mere liberaliter aliquid donare; et si talis mere liberalis donatio fiat inter virum, et uxorem durante Matrimonio, est invalida, et ad arbitrium donantis revocari potest, si ex illa donans fit pauperior, et donatarius dicitur, textu expresso in cap. *Donatio* 8. de donationibus inter virum, et uxorem, ibi: « *Donatio*, quæ constante Matrimonio inter conjuges dicitur esse facta, ex qua alter locupletior, et alter pauperior efficitur, firmitatem non habet, nisi donantis obitu confirmetur: quæ tamen penitus evanescit, si revocatur ab eo tacite, vel expresse, vel qui donatum accepit, prius debitum naturæ absolvat; » et l. 1. ff. de donat. inter virum, et uxorem, ibi: « *Moribus apud nos receptum est, ne inter virum, et uxorem donationes valeant;* » et additur ratio præcisis his verbis: « *Hoc autem receptum est, ne mutuo amore invicem spoliarentur, donationibus non temperantes sed profusa erga se facilitate,* » et l. 3. princip. ff. Cod. ibi: « *Majores nostri inter virum, et uxorem donationes prohibuerunt, amorem honestum solis animis æstimantes, famæ etiam conjunctorum con-*

*ctas sine consensu illorum, quos jure interesse oportet, auctoritatempq. ac consensum ipsis præstare impeditur ipso dominii translatio.* Institut. lib. 2. tit. Quibus alienare, etc. § Admonendi. His verbis: « *Si pupilli mutuam pecuniam sine tutoris auctoritate aliqui dederit, non contrahit obligationem, quia pecuniam non facit accipientis.* » Et paulo post: « *Pupilli vel pupillæ solvere sine tutoris auctoritate non possunt, quia id quod solvunt, non fit accipientis, cum scilicet nullius rei alienatio-eis sine tutoris auctoritate concessa sit.* » *Consentit etiam lex.* Quod si forte 13. de solutionib. etc. § ultim.

Hanc porro posteriorem sententiam longe præferendam alteri opposite, atque unice secundam arbitrarer, cum agitur de contractibus gratuitis, sive beneficiis. Quod enim in contractibus onerosis Pupilli, aut Minores curatoribus non destituti quandoque naturali obligatione maneant adstricti, inde sit, quia in hisce, ut plurimum ditiones fieri solent; atque hac ratione intelligenda sunt Civilia jura, quæ quandoque in hisce Pupilli, aut Minoribus naturalem agnoscunt obligationem, quemadmodum Cl. Cujacius interpretatus est, atque intelligendam jubet leg. Si *Pupillus* 127. ff. de verb. obligat. Et *Gothofredus* leg. *Novatio* 1. ff. de Novation. At in contractibus gratuitis, quibus quis donando propriis bonis se spoliat, patrimonium suum exhaustit, aut diminuit, nemo ditor fieri; quapropter nulla naturalis obligatio in istis agnoscenda, nullumque aut accipiendi, aut retainendi rem acceptam ius occurtere potest. (*Edit. Neap.*)

sulentes, ne concordia pretio conciliari videatur. »

(14). Valida tamen est donatio inter conjuges pluribus casibus. Primo valida est inter eos donatio remuneratoria ob præstata obsequia, et beneficia, seu servitia alias ordinarie indebita, et quæ ab aliis ejusdem conditoris conjugibus in similibus circumstantiis communiter præstari non solent. Sic ex communi docent Abbas in cit. cap. *Donatio* 8. de donat. inter vir. et uxor. num. 7. Menoch. de arbitr. judic. casu 132. num. 4 Sanchez lib. 6. disp. 6. num. 11. Molina, Layman, et alii; et ratio est, quia donatio remuneratoria non est propria et vera donatio, ut desumitur ex leg. *Aquilinus* 27. juncta Glossa verb. *Non meram*, et leg. penult. § *Si quis*, ff. de donationib.

(15). Secundo, valida est donatio facta ab uno conjugi alteri conjugi, si ex donatione donans non est factus pauperior, id est si ejus substantia, et divitiae non sint diminuta; ut si maritus hereditatem, vel legatum repudiet, ut uxori substitutæ, vel ab intestato succedenti obveniat; ut habetur in l. *Si sponsus* § *Si maritus*, ff. de donation. inter vir. et uxor. Ad hoc enim ut donatio inter conjuges sit invalida requiritur expresse, ut donans ex tali donatione reddatur pauperior, donatarius redditur locupletior, ut patet ex cit. c. *Donatio*. ibi: « *Donatio, quæ constante matrimonio inter conjuges dicitur esse facta, ex qua alter locupletior, et alter pauperior efficitur, firmitatem non habet;* » et leg. *Sed etsi*, ff. eod. ibi: « *Nam jus constitutum ad eas donationes pertinet, ex quibus et locupletior mulier, et pauperior maritus in suis rebus fit.* »

(16). Tertio, valida est *Donatio*, si ex ea non sit factus locupletior conjux donatarius, etiam si conjux donans pauperior fiat donando, textu expresso in leg. *Si sponsus*, 5. § 16. ff. de *Donation*. inter vir. et uxor. ibi: « *Ubicumque igitur non diminuit de facultibus suis qui donavit, valet; vel etiam si diminuit, locupletior tamen non fit, qui accepit, donatio valet.* » Ut si maritus uxori locum sepulture donet; non enim locupletior sit uxor in ea re, quam Religiōni dicavit; cit. loc. *Si Sponsus*, § *Concessa*.

(17). Quarto, valida est donatio facta causa exilii, vel alterius pœnæ bonorum confiscactionem secum trahentis, textu expresso in l. 43. ff. de *donationib.* inter vir. et uxorem, ibi: « *Inter virum et uxorem exilii causa donatio fieri potest.* »

(18). Quinto, valida est donatio mutua inter conjuges, saltem quando una alteram notabiliter non excedit; l. *Quod autem* 7, § 2, ff. de *donat.* inter vir. et uxor. ibi: « *Si vir et uxor qui invicem sibi donaverint, etc. recte placuit, compensationem fieri donationis:* » in causa enim mutuæ donationis nullus conjugum locupletior fit, aut pauperior, quod est potissimum motivum prohibitionis donationum inter conjuges, juxta cit. l. 1. ff. de *Donat.* inter vir. et uxor. et l. *Sed si eti*, ff. eod. et cap. *Donatio* 8. de *donat.* inter vir. et uxor.

(19). Sexto, valida est *donatio mortis causa* facta inter virum, et uxorem; textu expresso in l. *Si eum* 9, § fin. de *donat.* inter vir. et uxor. ibi: « *Inter virum, et uxorem mortis causa donationes receptæ sunt.* »

(20). Septimo, valida est *donatio*, qua vir remittit uxori usuras dotis conventione debitis; l. *Vir usuras* 54. ff. de *donation.* inter virum, et uxorem.

(21). Octavo, valida est *Donatio*, facta ad reficiendas ædes dotalis; leg. *Quod si vir*, 14. ff. de *donat.* inter vir. et uxorem.

(22). Nono, valida est *donatio*, si uxoris marito donet causa honoris; vel dignitatis adipiscendæ, v. g. ad ipsum nobilitandum, doctorandum, in dignitate, vel qualificato officio constitendum; l. 40. et seq. ff. de *donat.* inter virum, et uxorem.

(23). Decimo, valida est *Donatio*, si vir uxori dotem promissam remittat, juxta leg. *Si constante*, Cod. de *donat.* ante nuptias; vel si uxori dotet causa remuneratio, v. g. quia nobilis ignobilis, juvenula seni nupsit, alioquin vero non est concessum, ut vir uxori post nuptias, vel in tempus nuptiarum dotem mere liberaliter constitut; leg. *Si quis uxori*, ff. de *donation.* quia hæc dotis constitutio species donationis est; leg. ult. § *Si a socero*, ff. *Quæ in fraudem creditorum.*

(24). Undecimo, valida est *donatio* inter conjuges Principes supremos, quia imperiales contractus legis vim obtinent; l. penult. Cod. de *donat.* inter virum, et uxorem.

(25). Duodecimo, valida est *inter virum et uxorem* donatio exigui pretii; *Barbosa* in cap. *Donatio* 8. de *donationib.* inter vir. et uxor. num. 17, arg. l. *Ex annuo* 15. l. *Sed si vir*, ff. de *donat.* inter vir. et uxor. a sensu contrario, et sic habet consuetudo optima legum interpres; l. 34. ff. de *Legibus*.

(26). Tertiodecimo, omnis *Donatio* invalida facta ab uno conjugi alteri conjugi inter vivos, fit statim valida post mortem donantis, si eam in vivis tacite, vel expresse non revocavit, textu expresso in cit. cap. *Donatio* 8. de *donat.* inter vir. et uxor. ibi: « *Firmitatem non habet, nisi donatoris obitu firmetur, quæ tamen penitus evanescit, si revocatur ab eo tacite, vel expresse;* » et *cordat* l. *Cum hic* 32, § 2, et l. *Stipulata* 33, ff. de *Donat.* inter vir. et uxor. Mortuo enim donante cessat finis legis prohibentis tales conjugum donationes, periculum scilicet mutuae paupertatis ex mutuo affectu, etc.

(27). Tunc autem censemur tacite revocata *Donatio*, si donans rem prius conjugi donata postea alteri donet, leget, vendat, pignori, aut hypothecæ subjiciat, textu expresso in l. *Si Maritus* 12. Cod. de *donat.* inter vir. et uxor. ibi: « *Cum sit manifestum, etiam donatione, vel venditione, vel alio quolibet modo rebus alienatis, revocatam esse a viro in mulierem factam donationem,* » et l. *Cum hic status* 32, § 5 et § 13, ff. eod. ibi: « *Si maritus ea, quæ donaverat, pignori dedit, utique eum pœnituisse dicemus.* » (28). Sic etiam talis *donatio* censemur tacite revocata